

**Muhyiddin Ucap Takziah Kepada Keluarga Allahyarham Shaharuddin
Bernama
26 April, 2013**

KUALA LUMPUR, 26 April (Bernama) -- Timbalan Perdana Menteri Tan Sri Muhyiddin Yassin merakamkan ucapan takziah kepada keluarga Allahyarham Datuk Shaharuddin Ibrahim, Timbalan Ketua Pengarah Kastam (Perkastaman/Cukai Dalam Negeri), yang maut ditembak di Putrajaya, Jumaat.

"Saya berasa sedih dan dukacita di atas kejadian tragis yang menimpa Allahyarham Shaharuddin. Saya berharap keluarga Allahyarham bersabar dalam menghadapi detik-detik menyedihkan ini," katanya dalam kenyataan di sini.

Muhyiddin berkata siasatan akan dijalankan segera untuk membawa mereka yang terlibat ke muka pengadilan.

Shaharuddin meninggal dunia akibat ditembak dua lelaki bermotosikal semasa dalam perjalanan ke pejabatnya di Putrajaya, ketika kereta yang dinaikinya berhenti di persimpangan lampu isyarat dari Lebuh Sentosa ke Lebuh Wawasan.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=945513>